

TEZĂUR LITURGIC
1 NOIEMBRIE

ACATISTUL
SF. DOCTORI
FĂRĂ DE ARGINȚI
COSMA ȘI DAMIAN



MOSCOVA, 2000



Ака́фист святы́м бессре́бренником и чудотво́рцем Косме́ и Дамиа́ну Асийским

Кондак 1

Избра́ннии чудотво́рцы, безсре́бреницы
Христовы и вра́чеве премудрии, ту́не подаю́щи
здравие в боле́знях су́щим, похва́льная
воспису́ем вам, засту́пником нашим и в ско́рбех
помощником: вы бо сосу́ди благода́ти су́ще,
исцеляете душевны́я и телесны́я наша́ язвы.
Те́мже сла́вяще Бога, дивнаго во святы́х Своих,
вас усердно ублажа́ем:

Ра́дуйтесь, Космо́ и Дамиа́не, свя́тии
безсре́бреницы и пресла́внии чудотво́рцы.

Икос 1

Ангельскому жи́тельству поревнова́вше, вся
земна́я презре́ли есте́, и по́двигом нестяжа́ния
венча́вшеся, лицезрэ́ния Господа сил
сподо́бились есте́. Моли́тесь у́бо за ны прилежно,
к по́моци вашей притека́ющих и похва́льная
вам вопию́щих:

Ра́дуйтеся, моли́твенницы те́плии о чтущих
святу́ю па́мять ва́шу;

ра́дуйтеся, оста́вленных врача́ми неоску́дно
исце́ляющии.

Ра́дуйтеся, я́ко до́м, и́мение и́ вся ро́дителей
стяжа́ния ни во что́же вме́нили есте́;

ра́дуйтеся, ни́щия ми́лосердием ва́шим
препита́вшии.

Ра́дуйтеся, стра́ждущия се́рдобо́лием
утеша́вшии;

ра́дуйтеся, чи́стотою и́ святости́ю А́нгелом
уподо́бившиися.

Ра́дуйтеся, свети́льницы Бо́жественна́го све́та;
ра́дуйтеся, небе́снии челове́цы, зе́мнии А́нгели.

Ра́дуйтеся, я́ко хри́стиа́ном есте́ прибе́жище
непосты́дное;

ра́дуйтеся, все́ жити́е сво́е да́же до по́следняго
издыха́ния в служе́нии Го́споду исто́щившии.

Ра́дуйтеся, все́светло́е благода́ти прия́телище,
Духа Свя́таго сосуди́;

ра́дуйтеся, все́м, призыва́ющим ва́с, ско́рии
помощни́цы.

Ра́дуйтеся, Космо́ и Дамиа́не, свя́тии
безсребре́ницы и пресла́внии чуде́творцы.

Кондак 2

Ви́дя Госпо́дь Бог добра́я ваша́ начинания́ и
веле́е ко благо́честию усердие́ ваше, яко́ вся
земная́ и благо́я мира́ сего́ уме́ты вмени́вше, в
непреста́ннем труде́ любви́ ради́ ближня́го
пребы́сте и души́ своя́ благо́ими нра́вы украси́ли
есте́, преисполни́ вас Ду́ха Свята́го, Е́гоже
луча́ми озаритися́ и нам испросите́ у Христа́
Бога́, да купно́ с вами́ поем́ Е́му: Аллилу́ия.

Икос 2

Ра́зумом истинна́го богопозна́ния люди́
нечестивы́я научили́ есте, вразуми́в тех сило́ю
словесъ ва́ших, ими́же дерзнове́нно Христа́
проповеда́ете. Темже́ ревностьъ ва́шу
похваля́юще, взыва́ем си́це:

Ра́дуйтеся, ле́стною вра́жиею не уловле́ннии;
ра́дуйтеся, истину́ Христо́ву подви́гами любви́
исповеда́вшии.

Ра́дуйтеся, вся́кую язю́ в люде́х исцеля́ющии;
ра́дуйтеся, лука́выя ду́хи от люде́й
прогоня́ющии.

Радуйтесь, небоязненные проповедницы любви Божия;

радуйтесь, служения врачebного ревнителие.

Радуйтесь, веры православныя поборницы;

радуйтесь, столпы непоколебимии, духа любви и ревности о славе Божией исполненнии.

Радуйтесь, немолчнии велений Господних провозвестницы;

радуйтесь, вернии наставницы богомудрия.

Радуйтесь, Царствия Христова надежнии нам ходатаи;

радуйтесь, и по смерти вашей нас не оставляющии.

Ра́дуйтесь, Космо́ и Дамиа́не, свя́тии безсребре́ницы и пресла́внии чудотво́рцы.

Кондак 3

Си́лою Вышняго, данною вам, еще во временней жизни прияли есте власть чудесно исцеляти всякия недуги; по смерти же вашей наипаче прослави вас Бог многими чудотворении, да вси притекаем к вам, молящеся о исцелении от

недугов телесных, па́че же душевных, и Богу велегласно вопием: Аллилу́ия.

Икос 3

Иму́ще, яко многоценное сокровище, многоцелебныя мощи ваша, радуемся и, любовьию воспевающе данную вам от Бога благодать исцелений, благодарно зовем:

Ра́дуйтесь, теплии о нас к Богу предстателие;
раду́йтесь, еллинская мудрования отца вашего оставльшия.

Раду́йтесь, Асии светильницы всесветлии;
раду́йтесь, омраченных стран просветителие.

Раду́йтесь, мужества и терпения наставницы;
раду́йтесь, два светильника, на земли добрыми делы возсиявшии.

Раду́йтесь, братия по плоти, материю вашею Феодотиею в добром наказании воспитаннии;

раду́йтесь, раби Божии, от Господа Христа венцы победы приемшии.

Раду́йтесь, дивный и прекрасный смирения и кротости образ всем показавшии;

раду́йтесь, непоколебимое православия
основание.

Раду́йтесь, светлая безсребреников славо;
раду́йтесь, доблии целебницы, ни от когоже
мзды за исцеления вземшии.

Ра́дуйтесь, Космо́ и Дамиа́не, свя́тии
безсребре́ницы и пресла́внии чудотво́рцы.

Кондак 4

Бу́рею смущения исполнен был еси, святы́й
Дамиане, егда жена некая Палладия, тобою
вкупе со святым Космою от болезни смертныя
исцеленная, хотяше от избытка благодарнаго
сердца дарование некое своим благодатным
врачем воздати, ты же, видя брата твоего от
таковаго приношения отрекшася, втай приял
еси от тоя жены три яйца, услышавше яко та
заклинает тя Богом, да тии три яйца во имя
Святыя Троицы от нея приемлещи. Сего ради
святы́й Косма печален бысть, и завеща, да по
смерти твоей не положён будещи близ гроба
братня. Егда же по преставлении твоём, людие в
недоумении быша, где погребсти тя, верблюду
некий человеческим гласом проглагола, да
погребнут тя близ Космы святаго, яко
прославленна с ним пред Богом, понеже не мзды

ради, но имени ради Божия приял еси три яйца. Таковому велию чуду дивящися, людие погребоша тя вкупе с братом твоим, с радостию поюще Богу: Аллилу́ия.

Икос 4

Слы́шавше асийстии людие велию вашу к страждущим любовь и чудесное врачевание ваше, отвсюду устремляхуся к вам с верою в целебную благодать Божию, в вас действующую; приемлюще же скорое исцеление, прославля́ху Бога, вас же, милосердых целителей своих, величаху, воспевая сице:

Ра́дуйтесь, Бога истиннаго непреборимии проповедницы;

радуйтесь, силою Креста Христова недугующим безмезднии целебницы.

Радуйтесь, блазии врачеве, страждущим скории помощницы;

радуйтесь, вся немощныя туне врачующии.

Радуйтесь, и ныне исцеления обильно источающии;

радуйтесь, милостивии утешителие в бедах и скорбех сущим.

Радуйтесь, во всяких обстояниях нас
защищающие;

радуйтесь, беспомощных спасительное
призрение.

Радуйтесь, праведных преславное украшение;

радуйтесь, предстательство наше крепкое.

Радуйтесь, прилежнии о нас к Богу
молитвенницы;

радуйтесь, всем, верою призывающим вас,
скории помощницы.

Радуйтесь, Космо́ и Дамиа́не, святии
безсребреницы и пресла́внии чудотво́рцы.

Кондак 5

Боготечным воистину путем шествовавше, раби
Христовы, егда благая мира презрете служения
ради болящим, Христу же Единому поработавше,
горькая испытания терпели есте, святии; но вся
претерпесте за возлюбльшаго вас Христа. Темже
великому терпению и крепцей любви вашей ко
Господу дивящеся, купно с вами поем
Ему: Аллилу́ия.

Икос 5

Ви́девше исцеленнии вами, яко силою
Христовою исцелеша, хвалу Тому воздаша. Мы
же славяще Бога, ублажаем вас, славных
угодников Его, вопиюще сице:

Ра́дуйтесь, горняя паче дольних возлюбившии;
радуйтесь, ангельскому житию на земли
поревновавшии.

Радуйтесь, яко многобожие родителя вашего
отринувше, благочестия ма́терня не отступили
есте;

радуйтесь, яко вся имения своя, по словеси
Господню, нищим раздали есте, да Христа
приобрящете.

Радуйтесь, не словом точию, но множае паче
делом и непрестанною к Богу молитвою иных
поучившии;

радуйтесь, неоскудный источник исцелений
ныне являющии.

Радуйтесь, изливанием чудес, данных вам от
Бога, нас обогащающии;

радуйтесь, в самих себе храм Богу уготовавшии.

Радуйтеся, скорое нищих услышание;
радуйтеся, скорбных приятное попечение.
Радуйтеся, ненадежных известное надеяние;
радуйтеся, болящих скорое врачевание.
Радуйтеся, Космо́ и Дамиа́не, свя́тии
безсребре́ницы и пресла́внии чудотво́рцы.

Кондак 6

Пропове́дницы имене Христова в животе своем
бывше, и ныне силу Того свидетельствуете
чудесы, от иконы вашей источаемыми, и якоже
веры иногда жены некия Паллади́и не
презре́сте, но пришедше в дом ея, исцеление от
смертнаго недуга ей даровали есте; сице и
наших молений и пений гласы услышите, о
свя́тии безсребре́ницы! Вере же и любви людей
ваших внемлите и покров нам свыше даруйте,
хвалящим вас и поющим Богу: Аллилу́ия.

Икос 6

Воссия́, яко свет, правда ваша, егда укоряеми
неверующими, яко не от Бога получили есте дар
исцелений, рекóсте к людем града вашего: не
волшебною хитростию врачуем болезни, но
силою Спаса нашего Иисуса Христа, якоже Той

заповеда, глаголя: болящия исцеляйте,
прокаженных очищайте, туне приясте, туне
дадите. Темже благодатному слову вашему
дивящеся, ублажаем вас сими:

Ра́дуйтесь, образ любви и веры нам показавшии;
раду́йтесь, райския радости присно
наслаждающиися.

Раду́йтесь, премудрии сеятелie благочестия;
раду́йтесь, славнии проповедницы православия.

Раду́йтесь, учителяe, к небеси наставляющии;
раду́йтесь, чистаго и непорочнаго жития
неусыпнии хранителиe.

Раду́йтесь, теплии послушателиe молящихся вам;
раду́йтесь, ко спасению изящнии и вернии
путеводителиe.

Раду́йтесь, благочестно и богоугодно жити
хотящим блазии наставницы;

раду́йтесь, ходатаи благим всем, почитающим
память вашу.

Раду́йтесь, добре и в мире течение свое
скончавшии;

раду́йтесь, венцы́ правды́ от Влады́ки Христа́ прия́вшии.

Ра́дуйтесь, Космо́ и Дамиа́не, святы́и безсребре́ницы и пресла́внии чудотво́рцы.

Кондак 7

Хотя́щу мужу́ некоему́ во время́ жатвы́ от зноя́ солнечнаго́ мало́ почити́, и крепко́ усну́вшу́ ему́, вниде́ зми́й во уста́ и всели́ся во чрево́, егда́же возста́в муж то́й от сна, о́щути во чре́ве своем́ болезнь́ от терзани́я змиева́ и а́бие нача́ велиимъ́ гласомъ́ вопити́: святы́и врачеве́ Космо́ и Дамиа́не, помозите́ ми! И а́бие вы, уго́дницы́ Божи́и, приспе́ша́ ему́ на помо́щь и успи́ша́ его́ зело́, и молитва́ми сво́ими нача́ша́ изгоня́ти зми́я и, всемъ́ тамо́ зря́щим, изыде́ зми́й из устъ́ человека́ того́, и вси́ ужаса́ющесе́ о стра́шнемъ́ чуде́се томъ́, благода́рственно́ воспеша́ Бо́гу: Аллилу́ия.

Икос 7

Див́нии о нас мо́литвенни́цы, целители́е душъ́ и телесъ́ нашихъ́ и ходата́и спасени́я вечно́го, благода́рнымъ́ сердцемъ́ воспева́юще хвале́бную́ песнь́ Бо́гу, дарова́вшему́ нам таковы́х вели́кихъ́ чудотворце́в, приносимъ́ и вамъ́ похва́лы си́цевая:

Ра́дуйтесь, ангелов терпением вашим удивившии;

радуйтесь, божественным сиянием чудес своих вся просветившии.

Радуйтесь, скории от всяких болезней безмезднии врачеве;

радуйтесь, заступлением вашим расслабленныя исцеляющии.

Радуйтесь, от неисцельных болезней здравы воздвизающии;

радуйтесь, достойне совершившии земный́ подвиг жития вашего.

Радуйтесь, о нас, обнаженных добрых дел, присно к Богу предстательствующии;

радуйтесь, яко сиянием премудрости, от Господа вам данныя, всех верных просвещаете.

Радуйтесь, молитвенницы о нас и заступницы наши предивнии;

радуйтесь, доблии врачеве Христовы.

Радуйтесь, без мзды туне всем исцеления подающии;

раду́йтесь, чуде́сы свои́ми идо́льское безумие
обличивши́и.

Ра́дуйтесь, Космо́ и Дамиа́не, свя́тии
безсребре́ницы и пресла́внии чуде́творцы.

Кондак 8

Стра́нное миро́ви житие́ ваше́ видя́ще,
устрани́мся и мы́ того́ суети́, ум на́ небеса́
прело́жше, возо́пиим к вам, свя́тии
безсребре́ницы: уто́лите бо́лезни, исто́чая
благодатна́я врачевания́ всем, усер́дно к
помощи́ вашей́ притека́ющим и вопи́ющим
Бо́гу: Аллилу́ия.

Икос 8

Все житие́ ваше́ на земли́ любви́ю к Бо́гу и к
бли́жним исполнивше́, свя́тии безсребре́ницы
Космо́ и Дамиа́не, скории́ и ны́не помощницы́
явля́етесь всем, с веро́ю призыва́ющим вас; не
то́чию бо́ близ притека́ющим ко́ свя́тым мо́щам
вашим, но́ и дале́че су́щим исцеления́ исто́чаете.
Темже́ приносим вам похвалы́ сия́:

Ра́дуйтесь, Еди́ному Бо́гу, в Трои́це сла́вимому,
верно́ послуживши́и;

раду́йтесь, еди́ное еже́ на потре́бу премудре
избравши́и.

Радуйтесь, яко в неустаннем труде и подвиже дни и ноци ваша без всякаго уныния препроводили есте;

радуйтесь, яко сицевым вашим тесным и скорбным житием славу Божию в человецех умножили есте.

Радуйтесь, доблии Христовы последователие;

радуйтесь, яко научители и творцы Христовых заповедей явились есте.

Радуйтесь, яко именами велиих в Царствии Небеснем наречени бысте;

радуйтесь, славою Христовою весь мир озарившии.

Радуйтесь, яко любовью к ближним безстрастие прияли есте;

радуйтесь, яко безмездным врачеванием безсмертие стяжали есте.

Радуйтесь, яко ангели, на небеси и на земли прославленнии;

радуйтесь, яко Богу ныне венценоснии предстоите.

Ра́дуйтеся, Космо́ и Дамиа́не, свя́тии
безсребре́ницы и пресла́внии чуде́творцы.

Кондак 9

Вся́кое естество́ челове́ческое удиви́ся сия́нию в
вас благода́ти Божией, свя́тии Космо́ и Дамиане,
егда́ нечестивии лю́дие, узревше́ чуде́са, о имени́
Господа́ Иису́са Христа́ вами́ творима́я,
уверова́ша и прослави́ша Бога́. Темже́ и мы,
славя́ще Давша́го вам сицеву́ю силу́, поем
Ему́: Аллилу́ия.

Икос 9

Вити́я многовещáнныя недоуме́ют довольно́
изобразити́ оби́лие любве́ ваше́я, ею́же
преисполне́ны бы́сте, свя́тии уго́дницы, к
челове́ком о Госпо́де. Сего́ ради́ из глубины́
серде́ц наших́ вопие́м к вам:

Ра́дуйтеся, Госпо́ду своему́ даже́ до сме́рти
поработавши́и;

ра́дуйтеся, огнем́ любве́ Божия́ воспале́ма огонь́
жертв идо́льских угасивши́и.

Ра́дуйтеся, ближня́го паче́ самих́ себе́
возлюбивши́и;

радуйтесь, яко болящия и недужныя посещали есте.

Радуйтесь, нужды убогих предварявши;

радуйтесь, печальных утешителие.

Радуйтесь, отчаянных заступницы;

радуйтесь, сирых питателие.

Радуйтесь, люте страждущим помощницы;

радуйтесь, угнетенных свободителие.

Радуйтесь, яко добре течение скончавше, ко Христу вознесостесь;

радуйтесь, яко в Царствии Его водворяетесь.

Радуйтесь, Космо́ и Дамиа́не, свя́тии безсребреницы и пресла́внии чудотво́рцы.

Кондак 10

Спасти́ хотя многия, яви нам Господь вы, чудотворцы Своя: кто бо не умилился, видя ваше безмерное ко всем сострадание; кто ли вы не ублажит, яко не токмо человеки от недуг исцеляете, но и скоты милуете; не отрините убо и наших молитв, но на вся ны неоскудно великия и богатя ваша милости излейте, да вопием Богу: Аллилу́ия.

Икос 10

Стены есте всем, похваляющим чудеса ваша, о безсребреницы, и к заступлению вашему прибегающим, стены и забрала есте, ограждающие от всех бед усердно в помощь вас призывающих. Темже убо и нас от нищеты, напастей, недугов и скорбей оградите, молимся и тепле вопием к вам:

Радуйтесь, адамантову крепость в нестяжании превозшедшии;

радуйтесь, дивно искушения сребролюбия победившии.

Радуйтесь, славнии в бедах заступницы;

радуйтесь, немощных и обидимых укрепление.

Радуйтесь, крепцыи в напастех защитителие;

радуйтесь, убогих и нищих всещедрии обогатителие.

Радуйтесь, алчущих милостивии кормителие;

радуйтесь, болезнями и тяжкими недуги одержимых премудрии уврачевателие.

Радуйтеся, с верою к вам притекающим от всех скорбных обстояний и болезней теплии защитителие;

радуйтеся, яко память ваша всеми сла́вима на земли.

Радуйтеся, яко имена ваша написана суть на небесех;

радуйтеся, яко от Бога препрославлени есте.

Ра́дуйтеся, Космо́ и Дамиа́не, свя́тии безсребре́ницы и пресла́внии чудотво́рцы.

Кондак 11

Пе́ние всеумиленное, ныне нами приносимое, несть довольно к похвалению преславных подвигов и трудов ваших, яже Христа ради подъяли есте в животе своем; обаче дерзающе просим, усердное моление наше приемше, и нас от бед своими молитвами избавите, да умиленным сердцем воспоим Богу: Аллилу́ия.

Икос 11

Светоза́рный и небесный ум явили есте, егда славы земныя от врачевства не пожелали есте искати от человек, но точию славы Божия на небесех. Ныне же нетлением мощей ваших и

множеством чудес православие утверждаете.
Темже благодарственно зовем:

Ра́дуйтесь, Ипостáсное Слово дерзновенно
проповедавшии;

раду́йтесь, силу идольскую добропобедно
упразднившии.

Раду́йтесь, яко вами попрася служение бесо́м;

раду́йтесь, яко вами проповедася поклонение
Христу.

Раду́йтесь, учителяе премудрии;

раду́йтесь, всех добродетелей неленостнии
исполнителие.

Раду́йтесь, яко по трудех земных в селениих
небесных ликовствуете;

раду́йтесь, яко и по преставлении своем нас не
оставляете.

Раду́йтесь, яко всем, с верою призывающим вас,
скорую помощь подаете;

раду́йтесь, святии вра́чеве, яко болезни наша
исцеляете.

Раду́йтесь, молитвы верных не отревающи;

раду́йтесь, и о нас недостойных у Престола Божия ходата́йствующи́и.

Ра́дуйтесь, Космо́ и Дамиа́не, свя́тии безсребре́ницы и пресла́внии чудотво́рцы.

Кондак 12

Благода́ть, ю́же даде́ вам Госпо́дь Бог, целити вся недуги душевны́я же и телесны́я, днесъ собра нас, да почтим память вашу, свя́тии безсребреницы Космо и Дамиане, благоговейно убо взирающе на честную икону вашу и со умилением сердца к ней припадающе, молим избавитися всем нам от всяких зол и болезней, да воспоим вси Богу: Аллилу́ия.

Икос 12

Пою́ще чудеса ваша, восхваляем труды и подвиги, ублажаем благочестную в мире кончину вашу, почитаем ходата́йство и сильное заступление ваше о всех, требующих помощи вашей; величаем Подателя всех благ Бога, даровавшего нам то́лько дивных молитвенников, и со умилением зовем:

Ра́дуйтесь, Иисуса Господа верно проповедавши́и;

раду́йтесь, истины Его доблии свидетелие.

Радуйтесь, теплии о нас у Престола Его
предстателие;

радуйтесь, телес наших благосострадательнии
врачеве.

Радуйтесь, Царствия Небеснаго и вечных благих
наследницы;

радуйтесь, по Бозе все наше упование.

Радуйтесь, миро благовонное исцелений
источающии;

радуйтесь, страстей злосмрадие молитвами
своими отревающии.

Радуйтесь, исцелений дателие и чудес
источницы;

радуйтесь, светоноснии столпи церковнии и
забрала недвижимая.

Радуйтесь, винограда истиннаго божественныя
лозы;

радуйтесь, двоице световидная мудрых
безсребреник.

Ра́дуйтесь, Космо́ и Дамиа́не, святии
безсребреницы и пресла́внии чудотво́рцы.

Кондак 13

О предивнии безсребреницы, чудотворцы, целителие и славнии угодницы Божии Космо́ и Дамиа́не, примите моления сия наша, от сокрушеннаго сердца возносимая; исцелите многообразныя недуги душ и телес наших и теплым предстательством вашим испросите нам от Христа Бога избавление от всех бед и напастей, прощение прегрешений наших и благую надежду вечнаго спасения, да сподобимся с вами и со всеми святыми в безконечныя веки воспевати Богу, Спасителю нашему: Аллилу́ия.

Сей конда́к глаго́лется три́жды.

И па́ки чте́тся 1–й и́кос и 1–й конда́к

Молитва

О чудотворцы славнии, вра́чеве безме́зднии, Космо и Дамиане! Вы от юности Христа Бога возлюбивше и Того повеления всем сердцем соблюдающе, аще и вда́сте себе учению врачебному, но добродетельнаго ради жития и чистоты душевныя, силою Христа Бога, не врачевания токмо искусство, но паче неоскудную благодать исцеления всяких неисцельных недугов от Бога прияли есте.

Отоню́дуже любовью и милосердием к недугующим подвизаемы, не токмо людем, но и скотом исцеления болезней подаваете, неисчетным множеством чудес ваших весь мир наполняете, и не телесныя токмо недуги исцеляете, но и верою Христовою души просвещаете, в терпении болезней укрепляете, в тяжких неду́зах о исправлении жития вразумляете и ко Христу покаянием привлекаете. Темже ныне и нас, припадающих к вам пред честною иконою вашею, скоро услышите.

Юныя дети, вашей помощи во учении книжном просящия, вашими молитвами наставите, да вашему житию ревнующе, не земное точию научение приобрящут, но паче во благочестии и правой вере непрестанно да преспевают. На одре болезни лежащим, человеческия помощи отчаянным, к вам же тепле с верою и усердною молитвою прибегающим, исцеление болезней вашим милостивым, чудодейственным посещением даруйте. Многожды в болезни впадающия и от лютых неду́г в уныние, малодушие и роптание пришедшия, данною вам от Бога благодатию в терпении утвердите, и наставите, да уразумеют волю о них Божию святую и совершенную, и сами себе и живот свой воле Христа Бога предают. В неду́зах

сущих, о исправлении же жития нерадящих, в гресех не раскаивающихся, сердцем ожесточенных, сокрушите во спасение и к покаянию призовите, да немошни суще телом, здрави пребудут душею, и причастницы соделаются Божия спасительныя благодати. Братию святаго храма сего, вашему святому заступлению от Бога врученную, и всех к вам усердно прибегающих невредимы сохраните от долгонедужия, от болезней лютых и неисцельных, от расслабления тела, от исступления ума, от смертоносныя язвы, от внезапныя смерти, и мощным ходатайством вашим к Богу соблюдайте в правой вере твердых, во благочестии преспеющих, в добрых делах усердных, в молитве к Богу прилежных, да с вами вкупе сподобятся в будущем веце присно воспевати и славити всесвятое и великолепое имя Отца и Сына и Святаго Духа во веки веков. Аминь.



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

І

**НОВОЕ
НЕБО**